

而投釣片時果得其魚皇后曰甚希見物希見謂梅豆羅志因曰希見國今訛謂松浦郡所以此國婦女孟夏四月常以針釣年魚男夫羅釣不能羅之

〔日本書紀九神功〕四月仲哀甲辰北到火前國松浦縣而進食於玉島里小河之側於是皇后神勾

針爲釣取粒爲餌抽取裳糸爲縵登河中石上而投釣祈之曰朕西欲求財國若有成事者河魚飲釣因以舉竿乃獲細鱗魚時皇后曰希見物也希見此云梅豆羅志故時人號其處曰梅豆羅國今謂松浦訛焉是

以其國女人每當四月上旬以釣投河中捕年魚於今不絕唯男夫雖釣以不能獲魚

〔海東諸國記〕肥前州有上下松浦海賊所處前朝之季寇我邊者松浦與一岐對馬之人率多又有五島或稱五多島日本人往中國者得風之地

〔續日本紀十三聖武〕天平十二年十一月戊子大將軍東人等言以今月一日於肥前國松浦郡斬廣嗣綱手已訖略下

〔續日本紀三十四光仁〕寶龜七年閏八月庚寅先是遣唐使船到肥前國松浦郡合蠶田浦積月餘日不得信風既入秋節彌違水候乃引還於博多大津略下

〔續日本紀三十五光仁〕寶龜九年十月乙未遣唐使第三船到泊肥前國松浦郡橘浦略下

〔萬葉集五雜歌〕遊於松浦河序

余憶山上以暫往松浦之縣逍遙聊臨玉島之潭遊覽忽值釣魚女子等也花容無雙光儀無匹開柳

葉於眉中發桃花於頰上意氣凌雲風流絕世略中遂申懷抱因贈詠歌曰

阿佐里須流阿末能古等母等比得波伊倍騰美流爾之良延奴有麻必等能古等

〔日本靈異記下〕假官勢非理爲政得惡報緣第卅五

白壁天皇仁光之世筑紫肥前國松浦郡人火君之氏忽然死而至琰广國時王校之不合死期故更敢

返略下